

Puo ya Bophatlalatsi ba Ditaba

SARS E SEBETSA MMOHO LE DITSEBI TSA LEKGETHO HO NTLAFATSA BOIKOBELO KA BOITHAOPHI

27 Phato 2025 — Ho fihlella sepheo sa mawala a SARS a ho sebetsa mmoho le bakgathatema ho ntlafatsa tikoloho ya tsa lekgetho ho ntlafatsa tikoloho ya tsa lekgetho, Khomishenara Kieswetter le sehlopha sa hae ba bile le kopano ya ho nonyana maikutlo le Foramo ya Meifo ya Taolo e Ananetsweng. Lepatlelo lena ke le mabapi le dipuisano pakeng tsa SARS le Meifo ya Taolo e Ananetsweng (RCBs). SARS e bona puisano ena e le ya bohlokwa ho bapa le Tshebetso ya yona e intshang Sehlabelo: e thusang ho ahweng ha mmuso o nang le bokgoni le ho ntlafatsa Maafrikaborwa.

Boetapele ba Meifo ya Taolo e Ananetsweng (RCBs) bo akaretsa South African Institute of Taxation (SAIT); South African Institute of Chartered Accountants (SAICA); South African Institute of Professional Accountants (SAIPA); Institute of Accounting and Commerce (IAC); Chartered Institute of Business Accountants (CIBA); Legal Practice Council (LPC); Chartered Governance Institute of Southern Africa (CGISA); Financial Planning Institute (FPI); Chartered Institute of Management Accountants (CIMA); le Association of Chartered Certified Accountants (ACCA).

Tema le matla a Meifo ya Taolo e Ananetsweng (RCBs) a tswa molaong, haholoholo Karolong ya 18 ya Molao wa Taolo ya Lekgetho. Meifo ya Taolo e Ananetsweng (RCBs) e tlameha ho beha leihlo boitshwaro ba ditsebi tsa tsona tsa lekgetho le ho tiisa tshepo le botshepehi ba mokgwatshebetso wa lekgetho. “Erekaha le rona re lokela ho etsa jwalo, jwalo feela le basebetsi ba rona, boitshwaro ba Ditsebi tsa Lekgetho bo tlameha ho ba mohlala” ho rialo Khomishenara Kieswetter. Ditsebi tsa Lekgetho ke ba bohlokwa ba bileng ba kgontshang mokgwatshebetso wa ditjhelete le wa boahi ba ditjhelete wa Afrika Borwa. Tataisong ya balefalekgetho, ba boela e ba ba bohlokwa ho tshehetseng sepheo se mawala sa SARS se mabapi le boikobelo ka boithaopo. Jwaloka manqosa a boikobelo ba lekgetho, merero ya lekgetho ya ditsebi tsa lekgetho e tlameha ho supa boikobelo bona.

SARS le Meifo ya Taolo e Ananetsweng ba bile le dipuisano tse bulehileng le tse matla mabapi le merero e ba amang. Ba ile ba dumellana hore SARS e tlameha ho neha ditsebi tsena tsa lekgetho tlhakisetso le nnetefaletso mabapi le boitlamo ba bona, le ho ba nolofalletsa hore ba ikobele tefo ya lekgetho, haholoholo ha ho tluwa boingodisetsong ba bona ba ho sebetsa, mmoho le nnetefatsong ya bona e tswelang ka nako ya ntjhafatso. SARS e kgothaleditse Meifo ya Taolo e Ananetsweng ho fumana tumello ya ditho tsa yona ho tse mabapi le ho arolelana maemo a boikobelo.

Kopano e ile ya tiisa tema ya bohlokwa e kgathwang ke SARS, mme mothating ona, ke seabo sa yona profesheneng ena, hore mokgatlo o tsebe ho fihlella thomo ya ona ya ho bokella lekgetho lohle le kolotuwang, ho netefatsa boikobelo bo phahamemng ba lekgetho le melao ya bolaodi ba meedi, ho sireletsa madiboho a rona le ho bebofatsa kgwebisano e molaong. Jwaloka ba bang ba behileng ditsebi tsa lekgetho leihlo le ho ba bakenadipakeng ho tsa lekgetho le bolaodi ba meedi, Meifo ya Taolo e Ananetsweng e na le boikarabelo ba ho se ikobele melao ya lekgetho le ya bolaodi ba meedi feela, empa le ho thusa ditho tsa yona, tseo e leng ditsebi, mmoho le balefalekgetho bao ba ba sebeletsang, ho ikobela tefo ya lekgetho. Le ho etsa jwalo ntle le tshabo kapa leeme ka tsela e tlang ho dula e le ya profeshenale le e nang le boitshwaro bo botle.

Ho ya Pele

Bolekane bona ba mawala bo pakeng tsa SARS le Meifo ya Taolo e Ananetsweng, bo ntlafatsa maemo a boikobelo mme bo phahamise pokello ya lekgetho, haholoholo ho tswa dikgutlisong tse morao le sekolong se sokang se leshwa. Katleho ya bolekane bona e netefatsa mokgwatshebetso wa lekgetho e lekalekanang oo ho ona balefalekgetho ba lefang seo ba lokelang ho se lefa ho latela molao, hona le ho jara boima bo jerweng ke bao ba ikobelang. Khomishenara o ipileditse ho Bahlanka ba ka Sehloohong ba Phethahatso (CEOs) ba Meifo ya Taolo e Ananetsweng ho sebetsa mmoho le SARS le ho thusa hore merero ya lekgetho ya ditho tsa ona le ditlaentse tsa bona e dula e le motjheng.

SARS le Meifo ya Taolo e Ananetsweng ba dumellane ho batlana le mekgwa e ka thusang ho bokella sekoloto se kolotuwang mokotla wa naha kapele ka tsela e ikamahanyang le Molao wa Taolo ya Lekgetho. Ho fihlella sena, SARS e itlamme ho akofisa metjha ya yona ho dumella pokello ya sekoloto.

Khomishenara o ipileditse hore Meifo ya Taolo e Ananetsweng e tlameha ho thusa hore taba ya boikobelo ka boithaopo e be taba e dulang e le lenanetsamaisong la dikopano tsa yona.

Ho ntlafatsa tshebedisano e tswellang, SARS le Meifo ya Taolo e Ananetsweng ba dumellane:

- Ho theha dipuisano tsa mawala tsa selemo / tsa habedi ka selemo pakeng tsa Khomishenara le Bahlanka ba ka Sehloohong ba Phethahatso (CEOs) ba Meifo ya Taolo e Ananetsweng.
- Ho lekola botjha tema ya Foramo ya Tshebetso hore e be e itlhommeng ka pele mererong e mabapi le tshebetso.
- Ho theha Komiti ya Molao le Leano ho shebana le merero ya molao.
- Ho theha komiti ya setekgeniki ho rarolla meedi ya mokgwatshebetso le data.

Bakeng sa dikarolo tse ikgethang, SARS e tla boela e theha foramo mmoho le karolo ya yona ya Dikgwebo tse Kgolo le tsa Matjhaba le Batho ba Ruileng Haholo. Ho tsa lebatowa, SARS e tla boela e tjhorisa Dikomiti tsa Mabatowa ho shebana le merero ya letsatsi ka leng ya tshebetso.

SARS e tla boela e tjhorisa Mmotlolo wa Tshebeletso ya Ditsebi tsa Lekgetho mmoho le ho buisana le Meifo ya Taolo e Ananetsweng Lenaneong la yona la Sejwalejwale.

Khomishenara Kieswetter o lebohile Meifo ya Taolo e Ananetsweng ka tema ya yona ya bohlokwa y ho thusa naha hore e kgone ho hlophisa mehlodi ya yona ho arabela diphephetso tsa naha. O itse “mekga ka bobedi e tobokeditse bohlokwa ba dipuisano tse ahang tse mabapi le diphephetso tseo ba tobaneng le tsona; tshebedisano e tswellang; mmoho le bohlokwa ba dipuisano tse bulehileng ho kgothaletsa tikoloho ya lekgetho le ya bolaodi ba meedi e mahlahlaha. Ho bohlokwa hore re tebise boikobelo ka boithaopi ka tsela e tsamaisanang le ho theha boahi ba tsa ditjhelete, boitshwaro bo botle ba Meifo ya Taolo e Ananetsweng, ditsebi tsa lekgetho le balefalekgetho. Ha a phethela, Khomishenara o itse, “Pokello ya SARS ya tjhelete e fetang R23.3 trillion haesale e thehwa, ha se ntho e nnyane ka lebaka la tema ya bohlokwa e kgathwang ke Meifo ya Taolo e Ananetsweng”.

Bahlanka ba ka Sehloohong ba Phethahatso (CEOs) ba Meifo ya Taolo e Ananetsweng ba ile ba ananela puisano ena. Ba ile ba ananela moya o motle wa bolekanane bo tlang ho beha ditholwana bo habileng boikobelo ka boithaopi. Moemedi wa SAIPA Mme Tia van der Sandt, o hlalositse kananelo ya hae ka “ho fumana monyetla wa ho ntlafatsa dikamano le SARS boemong ba ditsebi tsa bona tsa lekgetho. Re tshepa hore mmoho re jara boikarabelo ba ho aha naha ena ya rona e ntle. Mme Sesana wa SAIT o boletse hore mokgatlo wa hae “o ananela molemo wa tshebedisano le SARS haholo ka lebaka la hore ke motheo wa boahi ba ditjhelete boo e leng motheo wa katleho ya naha ya rona”, le hore “ho SAIT, jwaloka Moifo o Moholohadi o Ananetsweng, ho etela Setsi sa Taolo sa SARS le ho bona ka moo Mahlale a Maiketsetso (AI) le data ya ka yona nako eo e sebediswang kateng ho etsa hore naha e tswelle pele e bile boithuto bo botjha le kgothatso.” Mohlanka wa Phethahatso wa IACSA, Mong. Prakash Singh o rorisitse “dipuisano tse ntle mmoho le dihlooho tse molemo tse amang boholo ba Afrika Borwa”. Ka lehlakoreng le leng, Mohlanka wa Phethahatso wa CIBA, Mong. Nicholas van Wyk o thabisitswe le ho “makatswa haholo ke maemo a SARS a ho beha leihlo ditshebetso tse tshopodi tse etsahalang ka yona nako eo”. O kgolwa hore “sena ke mohlala wa maemo a lefatshe a bohlwahlwa, ho akareditswe le mona Afrika Borwa, mme a ananela dipuisano le Meifo ya Taolo e Ananetsweng mmoho le ditsebi tsa lekgetho ka ho ba bona e le “balekanane ba mawala ho tjhorisweng ha mehlodi ya naha”.

Dipuisano tsena tse molemo di ntlafaditse dikamano pakeng tsa SARS le Meifo ya Taolo e Ananetsweng, moo Khomishenara Kieswetter a ileng a hlakisa ntlha e reng “Hore re tsebe ho sebetša ka bolekanane ba nnete le Meifo ya Taolo e Ananetsweng, le

hore ditho tsa yona tseo e leng baeletsi le bakenadipakeng bakeng sa balefalekgetho, re tlameha hore re dule re behile profeshene ena maamong a tshwanang a hodimo a ho jara boikarabelo, ka tsela ya molao ya le ya boitshwaro”.

KE PHETHO.